

堯山堂外紀

堯山堂外紀卷十四

晉陵蔣仲舒編

六朝齊

高帝道成

蕭何二十四世孫宋世與袁粲諸  
淵劉秉更日入直決事號為四貴

高帝鎮淮陰時為宋明帝所疑被徵為黃門郎深  
懷憂慮見平澤有羣鶴命筆詠之曰八風儻遇  
翮九野弄清音。一摧雲間志為君苑中禽。

高帝與王僧虔賭書曰誰為第一僧虔對曰臣書

臣中第一。陛下書帝中第一。帝笑曰：卿可爲善。

自謀矣。

或云帝問我書何如，卿對曰：臣正書第一，草書第二，陛下草書第二，正書第三。

臣無第三。陛下無第一。帝大笑曰：卿善爲辭。

褚淵

字彥回，宋中書令，其貌甚美。山陰公主就奏帝請以自侍，帝召兩上閣宿十日。

公主夜就之，備見逼迫，不爲移志。主曰：公鬚髯如戟，何無丈夫意？彥回曰：回雖不敏，

不敢首

爲亂階。

褚淵與王暄、謝莊等嘗聚袁粲宅，初秋涼，夕風月甚美，淵援琴奏別鵠之曲，宮商既調，風神諧暢。

莊撫節歎曰。以無累之神。合有道之器。宮商暫離。不可得已。

褚彥回送王僧虔赴湘州閣道壞墜水。僕射王儉驚跳下車謝超宗拊掌笑戲曰。落水三公墜車。僕射彥回出水露濕狼籍。超宗先在僧虔舫。抗聲曰。有天道焉。天所不容。地所不受。投畀河伯。河伯不受。彥回大怒曰。寒士不遜。超宗曰。不能賣袁劉。得富貴焉。免寒士前後言。諂稍布朝野。

淵世子賈耻其父失節服除遂不仕以爵讓其弟素屏居墓下終身

王儉

字仲寶朱官侍中入齊爲國子祭酒子陳孫承皆爲國職三世國師前代未有

王仲寶手筆典裁爲當時所重少便有宰相志賦詩云稷契匡虞夏伊呂翼商周

王僧佑儉從弟也儉嘗鳴笳列騶至僧佑門僧佑輒稱疾不出贈儉詩曰汝家在市門我家在南郭汝家饒賓侶我家多鳥雀儉歎曰此吾所望於若人也世並賢之

客有姓譚者詣王儉求官儉謂曰齊侯滅譚那得  
有君答曰譚子奔莒所以有僕儉賞其善諶卒  
得職

新野庾杲初爲駕部郎清貧自業食唯有韭菹生  
菜任彥昇嘗戲曰誰謂庾郎貧食鮭嘗有二十  
七種菜王儉用爲長史安陸侯蕭緬與儉書曰  
盛府元僚實難其選庾景行泛淶水依芙蓉何  
其麗也時人以儉府爲蓮花池故緬書言之  
儉嘗

集才學之士總校虛實類物隸之謂之隸事何  
憲等諸學士於僉弟隸事賭巾箱几案雜服飾  
人人各一兩物陸彥深後成隸出人表一時奪  
去憲又於儉隸事獨勝儉賞以五花筆白團扇  
意味自得王擣後至操筆便成事既與博解亦  
華美衆皆擊賞擣乃命左右抽筆手自掣扇登  
車而去

武帝蹟

字宣遠高  
帝長子

武帝出遊鍾山幸何美人墓有朱碩仙善歌吳聲  
續曲歌云儂憶所歡時緣山破荻荏山神感儂  
意盤石銳鋒動帝神色不悅曰小人不遜弄我

時朱子尚亦善歌。復爲一曲云：曖曖日欲宴，歡  
騎立踟躕。太陽猶尚可，且願停須臾。帝悅。於是  
俱蒙厚賚。

武帝布衣時嘗遊樊鄧，登祚以後追憶往事，作估  
客樂曰：昔經樊鄧役，阻潮梅根渚。感憶追往事，  
意滿辭不叙。帝使樂府令劉瑤管絃，被之教習。  
卒遂無成。有人啟釋寶月善解音律，帝使奏之。  
旬日之中，便就諧合。敕歌者常重爲感憶之聲。



寶月又上兩曲。凡四章。其曲云。郎作十里行。儂  
作九里送。拔儂頭上釵。與郎資路用。有信數寄  
書。無信心。相憶莫作瓶。落井一去無消息。大編  
珂我頭。何處發揚州。借問編上郎。見儂所歡不  
初發揚州時。船出平津泊。五兩如竹林。何處相  
尋博。帝遂數乘龍舟。遊江中以絰。越布爲帆。綠  
綵爲帆。緯。鑰石爲篙。足篙榜者。悉著鬱林布。作  
淡黃袴。舞此曲。用十六人云。

巴東王子響武帝之子爲荊州刺史要直閣將軍  
董蠻與同行蠻曰殿下癩如雷敢相隨耶子響  
曰君敢出此語亦復奇癩帝聞而不悅曰人名  
蠻復何容得蘊藉乃改爲仲舒巴東王嘗問曰  
今日仲舒何如昔日仲舒答曰昔日仲舒出自  
私庭今日仲舒降自先帝以此言之勝昔遠矣

又蜀有青城山隱士曰  
董仲舒見樵秀蜀記

柴廓

東陽人

柴扉有行路難雜體云君不見孤鴈關外發酸嘶。  
度揚越空城客子心腸斷幽閨思婦氣欲絕凝。  
霜夜下。拂羅衣。浮雲中。斷開明月。夜夜遙遙徒。  
相思年年望望情不歇。寄我匣中青銅鏡。倩人。  
爲君除白髮。行路難。行路難。夜聞南城漢使度。  
使我流淚憶長安。釋寶月嘗憇其家會廓亡因。  
竊而有之刻爲已作廓子見而大忿齋手本出。  
都欲訟此事實。月厚賂之乃免。

王融

字元長秘書丞嘗國古今雜體有六十四書徑丈一字方寸千言

永明初竟陵王子良鎮西州才雋之士皆集其門  
范雲蕭琛任昉王融蕭衍謝朓沈約陸倕並以  
文學見親號曰八友柳惲王僧孺江革范縝孔  
休源亦預焉子良篤好釋氏招致衆僧講論佛  
法一日融往栖玄寺聽講畢遊西邸園賦詩云  
道勝業茲遠心閑地能隙桂掩鬱初栽蘭輝坦  
將闢虛檐對長嶼高軒臨廣液芳草列成行嘉

樹紛如積流風轉還逕清煙泛喬石日泊山照

紅松映水華碧暢哉人外賞遲遲眷西夕竟陵王字

雲英武帝第二子嘗夜集學士刻燭為詩四韻者則刻一寸以此為率蕭文琰曰燒一寸燭而

成四韻詩何難之有乃與江洪等共叩銅鉢響絕則成詩皆可觀

王融謝朓江革沈約阻雪聯句遙和朓詩云積雪

皓陰地北風鳴細枝尤遶密如繡何異遠別離

革詩云風庭舞流霰冰池結文澌飲春雖以煥

欽賢紛若馳融詩云珠霏條間響玉雷閣下垂

杯酒不相接寸心良共知約詩云初昕逸翮舉  
日吳駑馬疲幽山有桂樹歲暮空參差

古詩藁砧今何在山下復有山何當大刀頭破鏡  
飛上天藁砧砧也音協於夫山山出也大刀頭  
有環義取於還破鏡上天謂月缺之候蓋隱語  
也王融有代藁砧二首云花蒂今何在不是林  
下生何當垂兩髻團扇雲間明鏡臺今何在寸  
身正相隨何當碎聯玉雲上壁已虧

王融詣王僧佑，因遇沈昭畧，未相識。昭畧顧盼謂主人曰：「是何年少？」融殊不平，謂曰：「僕出於扶桑，入於暘谷，照耀天下，誰云不知？而卿此問。」昭畧曰：「不知許事，且食蛤蜊。」融曰：「物以羣分，方以類聚。君生長東隅，居然應嗜此族。」王文憲初拜儀同王元長贈詩

頗及規誦文憲甚憚之笑謂人曰穰侯印詎便可解

謝朓

字玄暉宣城太守因登三山得澄江靜如練之句古今所稱愛青山之勝築室

山南梁武極愛朓詩嘗曰三日不讀謝朓詩覺口臭

隨王子隆在荊州好詞賦數集僚友謝元暉爲其  
功曹自京趨荊州同朝諸賢以詩餞別沈約詩  
云漢池水如帶巫山雲似蓋滄海背吳潮潺湲  
橫楚瀨一望沮漳水寧思江海會以我徑寸心  
從君千里外范雲詩云陽臺霧初解夢渚水裁  
淥遠山隱且見平沙斷還續分絃饒苦音別唱  
多悽曲爾拂後車塵我事東臯粟王融詩云所  
知共歌笑誰忍別笑歌離軒思黃鳥分渚愛青



芳山堂外然卷一四  
莎翻情結遠。旆灑淚與行波。春江夜明月還望。  
情如何。蕭琛詩云。執手無還顧。別渚有西東。荆  
吳眇何際。煙波千里通。春筍方解箨。弱柳向低  
風。相思將安寄。悵望南飛鴻。劉繪詩云。汀洲千  
里芳。朝雲萬里色。悠悠在天隅。之子去安極。春  
潭無與窺。秋臺誰共陟。不見一佳人。徒望西飛  
翼。謝元暉答云。春夜別清樽。江潭復爲客。歎息  
東流水。何如故鄉陌。重樹始芬葢。芳洲轉如積。

望望荆臺下。歸夢相思少。

沈右率座謝眺王融輩賦三物爲詠眺賦幔云幸  
得與君綴幕歷君之楹月映不辭卷風來輒自  
輕每聚金鑪氣時駐玉琴聲但願置樽酒蘭缸  
當夜明融賦琵琶云抱月如可明懷風珠復清  
絲中傳意緒花裏寄春情掩柳有奇態悽鏘多  
好聲芳袖幸時拂龍門空自生約賦麈云江南  
簫管地妙響發孫枝殷勤寄玉指含情舉腹垂

雕梁再三繞。輕塵四五移。曲中有深意。丹心君詎知。

會稽孔閨初有才華未爲時所知孔珪嘗令草表以示謝眺眺嗟吟良久自折簡寫之謂珪曰此子聲名未立應共獎成無惜齒牙餘論其好獎人才如此獨輕江祐爲人祐常詣眺眺因言有一詩呼左右取旣而便停祐問其故云定復不急祐以爲輕已後祐及第祀劉渢劉晏俱候眺

眺謂柘曰可謂帶二江之雙流柘轉不堪後遂  
構害

劉繪

字士章  
彭城人

永明末都下人士盛爲文章談義皆湊竟陵西邸  
劉繪爲後進領袖時張融言辭辨捷周顒彌爲  
清綺而繪音采瞻麗雅有風則時人爲之語曰  
三人共宅夾清漳張南周北劉中央言處二人  
間也

劉繪爲南嶽相郡人有姓賴者所居名穢里刺謁  
繪繪戲朝之曰君有何穢而居穢里此人應聲  
曰未審孔子何闕而居闕里繪默然無忤意嘆  
其辨速

張緒

字思曼少知名清簡寡欲叔父鏡語人曰此兒今之樂廣也從弟融字思光高

帝常笑曰此人不可無一不可有二

張思光年弱冠道士陸修靜以白鷺羽塵尾扇遺  
之曰此旣異物以奉異人。

張融善草書高帝謂曰卿書殊有骨力但恨無二  
王法答曰非恨臣無二王法亦恨二王無臣法  
又嘗歎曰不恨我不見古人恨古人不見我

高帝嘗面許張融為司徒長史勅竟不出融乘一  
馬甚瘦帝曰卿馬何瘦給粟多少融曰日給一  
石帝曰何瘦如此融曰臣許而不與明日即除  
司徒長史

張融與弟寶積俱謁高帝融於御前放氣寶積起

謝曰臣兄觸忤宸衷上笑而不問須臾食至融  
一排寶積不與同食上曰何不與賢弟同食融曰  
臣不能與洩氣之口同盤上大笑

張融為海賦文辭詭激獨與眾異後以示鎮軍將  
軍徐凱之凱之曰卿此賦實超玄虛但恨不道  
監耳融即求筆增曰漉沙搆白熬波出素積雪  
中春飛霜暑路

張融贈別詩云白雲山上盡清風松下歇欲識離

人愁孤臺見明月。

陸惠曉與張融並居其間有池池上有二株楊柳何點見而歎曰此池便是醴泉此木便是交讓舊傳有交讓瀆因張陸也

張思先既免官為詩與何徵士頗有高尚之言何答曰昔聞東都日不在簡書前思先又病之及何後婚孔氏女思先始為詩贈何曰惜哉何居士薄暮遘荒淫何亦病之而無以釋也



張融嘗乞假還武帝問所居答曰臣陸居無屋舟  
居無水上未解它日問其從兄緒緒曰融近東  
出未有居止權牽小船於岸上任上大笑融與

何巖善往詣巖誤通尚書劉澄下車入門乃曰  
非是至戶望澄又曰非是既造席視澄曰都自  
非是乃去

張緒亡後融齋酒於靈前酌飲慟哭曰阿兄風流  
頓盡時益州獻蜀柳數株枝條甚長狀若絲縷  
武帝命植之雲和殿前賞玩咨嗟曰此楊柳風

流可愛似張緒當年時

周顥

字彥倫初隱北山後應聘出孔稚圭假山靈意移之云北山移文

周彥倫清貧寡欲終日常蔬食雖有妻子獨處山舍王儉嘗問彥倫卿山中何所食彥倫答曰赤米白鹽綠葵紫蓼文惠太子嘗問菜食何味最佳彥倫曰春初早韭夏末晚菘

周彥倫少往外氏臧車騎質家得衛恒散隸書法學之甚工文惠太子使彥倫書玄圃茅齋壁國

子祭酒何胤以倒薤書就彥倫換之彥倫笑曰  
天下有道立不與易也

東昏侯寶卷

字智歲明帝殂寶卷惡靈極在  
太極殿欲速墜每當哭輒云喉

痛大中大夫羊闡入臨無髮俯仰憤脫  
寶卷輒哭大笑謂左右曰死驚啼來乎

永元二年後宮火時寶卷昏淫嬖倖之徒皆號為  
鬼有趙鬼者能讀西京賦言於帝曰栢梁既灾  
建章是營乃大起芳樂玉壽等殿又卽閱武堂  
為芳樂苑苑中立店肆以潘妃為市令自為市

吏錄事將闢者就潘妃罰之帝小有得失潘則  
與杖乃勅虎賁不得進大荆子又開渠立埭躬  
自引船埭上設店坐而屠肉于時百姓歌云閱

武堂種楊柳至尊屠肉潘妃酤酒

妃小字玉奴東昏鑿金蓮

花貼地令妃行其上曰此步步生蓮花也齊亡王茂清欲妻之玉奴守節而死

永元中童謠云野猪雖嗥嗥馬子空閭渠不知龍  
與虎飲食江南墟七九六十三廣莫人無餘烏  
集傳舍頭今汝得寬休但看三八後摧折景陽

樓時陳顯達崔慧景敗死蕭衍起兵襄陽蕭穎  
胄起兵江陵移檄建康數寶卷罪惡顯達屬褚  
慧景屬馬衍屬龍穎胄屬虎慧景攻臺城頓廣  
莫門死時年六十三齊起建元元年至中興二  
年共二十四年三八二十四也推折景陽樓亦  
高臺傾之意

穎胄字雲長衍與登塔  
大樓賦詩穎胄詩合旨

堯山堂外紀卷十四終

堯山堂外紀卷十五

晉陵蔣仲舒編

六朝

梁

武帝衍

日角龍顏重岳虎顧舌文八字身壯日無影有文在右手曰武侯景呼為

蕭衍  
老公

武帝在堯陵西邸早與蕭琛狎每朝讌接以舊恩呼為宗老琛亦奉陳昔恩以早遙中陽夙忝同閑雖迷興運猶荷洪慈上答云雖云早契濶乃



自非同志勿談興運初且道狂奴異

蕭彥瑜

琛

嘗與御宴醉伏筵中武帝以棗投之彥

瑜取栗擲上正中面帝動色言汝那得如此彥  
瑜答曰陛下投臣以赤心臣敢不報以戰栗上  
大悅

中書侍郎謝覽侍武帝坐受敕與侍中王暕為詩  
答贈其文甚工仍使復作復合旨乃賜詩曰  
文即後進二少實名家豈伊止棟隆信乃俱聲

華又於九日朝宴獨命蕭景陽曰今雲物甚美  
卿得不斐然乃賦詩詩成又降旨曰可謂才子  
張率侍武帝遊宴賦詩武帝別賜率詩曰東南有  
才子故能服官政余雖慚古昔得人今為盛率  
承認往復六百篇率年十六作賦頌二千餘首  
虞詡見而詆之率乃一旦焚  
毀更為詩示焉詡云沈約詡更句句嗟  
稱無字不善率曰此吾作也詡慙而退  
武帝宴壽光殿詔羣臣賦詩時劉孺與張率並醉  
辭未及成武帝取孺手板戲題之曰張率東南



美劉孺洛陽才覽筆便應就何事久遲回孺七歲能

屬文叔父瑱常置座側

謂賓客曰此吾家明珠

武帝結好於魏遣始安王方略入關送之作詩曰  
如何吾幼子勝衣已別離十日無由宴千里送  
遠垂

蕭恪為雍州刺史委政舉下賄賂公行客有江仲  
舉蔡遽王臺卿庾仲容皆有蓄積人間曰江  
千萬蔡五百王新車庾大宅武帝續之曰主人

憤憤不如容帝以示恪恪大慙乃折節學問所  
歷以善政稱

武帝河中之水歌曰河中之水向東流洛陽女兒  
名莫愁莫愁十三能織綺十四採桑南陌頭十  
五嫁為盧家婦十六生兒字阿侯盧家蘭室桂  
為梁中有鬱金蘇合香頭上金釵十二行足下  
絲履五文章珊瑚掛鏡爛生光平頭奴子擎履  
箱人生富貴何所望恨不早嫁東家王

武帝時有沙門詔曰帝大暑曰貞有司未辯徧問  
莫知劉顥曰貞文字為与上人帝忌出之

潤州甘露寺在北固山榜曰天下名山第一乃天  
監中武帝御書寺趾有大佛殿楹間刻一聯云  
北固山北額好北固山真箇好上林卷上林早  
上林花真箇好。

昭明太子統

小字維摩讀書五行  
俱下五歲讀五經

昭明在東宮雅好文學嘗與三紀室筠劉長史孝

緯陸庶子倭到舍人洽殷常侍芸遊宴玄圃太  
子獨執筠袖撫孝緯有語曰所謂左把浮丘袖  
右拍洪崖肩

昭明與諸名士汎舟玄圃池番禺侯執盛稱此中  
宜奏女樂昭明初無言直誅左思招隱詩云何  
必絲與竹山水有清音執慙而止

昭明集諸名士賦大言細言沈約等並應令為之  
昭明大言曰觀修鯤其若轍鮒視滄海之如濫

觴經二儀而跼蹐。跨六合以翱翔。細言曰坐卧鄰空塵。憑附蟪螟翼。越咫尺而三秋度。毫釐而九息。約大言曰隘此大汎庭。方知九陔局。窮天豈弥指。盡地不容足。細言曰開館尺楹餘。築檝微塵粟。蜗角列州縣。毫端建朝市。王錫大言曰欲遊五嶽。迫不得申。杖千里之木。繪橫海之鱗。細言曰真真藹藹。離朱不辯其實。步向角而三伏。經針孔而千日。王規大言曰俯身望日入。下

現見星羅。噓八風而為氣。吹四海而揚波。細言  
曰。針鋒於焉止息。髮杪可以翱翔。蚊眉深而易  
阻。蟻目曠而難航。張縉大言曰。河流既竭。日月  
俱騰。且羅微物。動落雲鵬。細言曰。遨遊蟻目。辨  
輕塵。蚊睫戒宇。蝨如輪。殷鈞大言曰。噫。氣為風  
揮汗成雨。聊灼戴山龜。欲持探遠古。細言曰。汎  
舟毛滴海。為改蝸牛國。逍遙輕塵上。指辰問南  
北。

明山賓七歲能言玄理十三博通經傳州辟從事  
史起家奉朝請累遷中書侍郎昭明聞其築室  
不就令曰明祭酒出撫大藩擁旄推轂珥金拖  
紫而恒事屢空聞構宇未成今送薄助并貽以  
詩曰平仲古稱奇夷吾管擅美今則擬伊賢東  
秦固多士築室非道傍置宅歸仁里庾桑方可  
繫原生今易擬必來三徑人將招三徑士

初天監元年統立為皇太子民間有謠云鹿子開

城門。城門鹿子開。當開復未開。使我心徘徊。城中諸少年。遂歡歸去來。按鹿子開者。反語為來。子哭也。中大通三年。昭明果薨。其子歡時為徐州刺史。以嫡孫次應嗣位。而武帝意在晉安王。猶豫未決。及立晉安王為皇太子。而歡止封豫章郡王。還任謠言。心徘徊者。未定也。歸去來者。

復還徐方之象。

昭明有一琉璃盃。紫玉盃。皆武帝所賜。既薨。詔置梓宮。後更葬。

開墳為闕人。携入大航。有燕雀數萬。擊之。因為骨。司所縛。乃獲二寶。帝聞而驚異。詔以賜太孫。



封墳之際復有燕雀數萬街上以增  
其上墳側今有湖後人因名燕雀湖

簡文帝

綱武帝第三子讀書十行俱下六歲

便能屬文武帝驚其早就不信及  
于御前面試嘆曰此吾家東向也初生時

誌公謂帝此子與寬家同年生其年侯景  
生於廐門後亂  
梁誅蕭氏略盡

簡文辭藻艷發然傷於輕靡時號宮體嘗有味變  
童詩曰變童嬌麗質踐董復超瑕羽帳晨香滿  
珠簾夕漏賒翠被含鴛色雕牀錢象牙妙年同  
小史姝貌比朝霞袖裁連璧錦成織細種花攬

袴輕紅出迴頭。雙鬢斜嬾。眼時含笑。玉手乍扳  
蒼懷猜非後釣。密愛似前車。定使燕姬妬。彌令  
鄭女嗟。

簡文與湘東王遊後園湘東作迴文詩曰斜峰繞  
徑曲聳石帶山連花餘拂戲鳥樹密隱鳴蟬簡  
文和詩曰枝雲間石峰脈水浸山岸池清戲鵲  
聚樹秋飛葉微

簡文有咏雪詩顛倒使韻以二句衍作四句云鹽

飛乳蝶舞老落飄粉。區區粉。飄落花舞蝶。乳飛  
鹽

簡文七夕宴諸文士賦穿針詩曰憐從帳裏出想  
見夜窗開針款疑月暗。綫微恨風來。劉孝威和  
云。綫亂恐風來。衫輕羞指現。故穿雙眼針。特縫  
合歡扇。

簡文卦名詩云。柳比園。蒼滿徑。復水沅。新離禽。時  
入岫。旅谷乍依蘋。豐壺要上客。鵠昂命嘉賓。車

由泰夏闢馬散咸陽塵連舟雖未濟分密已同人。

簡文時費旭詩有句云不知是耶非殷芸詩有句云飄颻雲母舟帝大咲曰旭既不識其父芸又飄颻其母耶。

朱异蒙倖在朝莫不側目雖太子亦不能平及侯景亂圍城城內咸尤异簡文為四言詩曰瞻彼阪田嗟斯氛霧謀之不臧寒我王度。

簡文為侯景幽繫題壁自叙云有梁正士蘭陵蕭  
世績立身行道終始如一風雨如晦鷄鳴不已  
弗欺暗室豈沈三光數至於此命也如何又作  
連珠曰吾聞道行則五福俱湊運閉則六極所  
鍾是以麟出而悲豈唯孔子途窮則慟寧止嗣  
宗簡文既見廢自知不久指所居殿謂舍人殷  
不害曰龐涓死于此後王偉與彭嵩王修纂  
進觴而前曰丞相以陛下幽憂日久使臣上壽  
簡文咲曰已禪位何得言陛下遂盡酣謂曰不  
圖為樂一至於此既醉  
而寢薦進土囊遂死

簡文有寒夕詩云雪花無有帶冰鏡不安臺又詠  
月云飛輪了無轍明鏡不安臺後人以為詩譏  
謂無帶者是無帝不安臺者臺城不安輪無轍  
者以邵陵王名綸空有赴援名也

元帝繹

武帝第九子初封湘東王攻書善畫  
自圖宣尼像為之贊而書之時人謂

絕之三

元帝母阮修容曾失一珠元帝時幼竊吞之謂是  
左右所盜乃炙魚眼厭之信宿之間珠逐便出

帝尋一目致眇蓋魚之報也邵陵王綸賦詩戲  
之曰湘東有一病非啞復非聾相思下隻淚望  
直有全功徐妃嘗侍帝以帝眇一目知帝將  
至為半面粧帝見之大怒而出

劉諒好學有文才為湘東王所善王嘗遊江濱歎  
秋望之美諒對曰今日可謂帝子降於北渚王  
以為刺已應曰卿言目眇眇而愁予耶從此嫌  
之

元帝初與廬陵王續相諉帝之臨荊州也有宮人

李桃兒者以才慧得進及還以李氏行時值宮  
戶禁重廬陵具狀以聞帝泣對使訴於簡文簡  
文和之不得帝猶懼送李氏還荊州為詩曰秋  
氣蒼茫結孟津復送巫山薦枕神管時慊慊愁  
應去今日勞勞長別人李氏世所謂西歸內人  
者也

元帝嘗作燕歌曰燕趙佳人本自多遼東少婦學  
春歌黃龍戍北卷如錦玄菟城南月似蛾如何



此時別夫婿。金羈翠駝往交河。還聞入漠去。燕  
營怨妻愁心百恨生。湯湯悠悠天未曉。遙遙夜  
夜聽寒更。自從異縣同心別。偏恨同心成異節。  
橫波滿臉萬行啼。翠眉暫斂千重結。並海連天  
合不開。那堪春日上春臺。惟見遠舟如落葉。復  
看過舸似行杯。沙汀夜鶴嘯羈雌。妾心無趣坐  
傷離。翻嗟漢使音塵絕。空傷賤妾燕南陸。

武陵王紀稱帝於蜀起兵內伐元帝與之書許其

還蜀專制岷方紀不從帝遺之詩云回首望荆  
門驚浪且雷奔。四鳥嗟長別三聲悲夜猿。圓正  
者紀之子也。紀僭號帝下圓正於獄在獄連句  
云水長二江急雲生三峽昏。願救淮南罪思報  
阜陵恩。帝覽詩而泣。紀敗國正號哭絕食而死。  
元帝初年侯景伏誅傳首至江陵。帝命梟於市。三  
日然後煮而漆之以付武庫。先是江陵謠言云  
苦竹町市南有好井。荊州軍殺侯景及景首至。

湖東付諮議參軍宗季長季長宅東即苦竹町也既加鼎鑊卽用市南水焉

洛陽王偉學通周易仕魏為行臺郎同侯景叛嘗在揭陽賦詩曰平明聽戰鼓薄暮叙存亡楚漢方龍開秦關陣未央既被執送江陵繫獄以詩贈元帝下要人曰趙壹能為賦鄒陽解獻書何惜江西北水不救轍中魚又上五十韻詩以希不死帝愛其詞翰猶欲未誅左右疾之曰前日偉

一作檄文甚佳帝求視之有云項羽重瞳尚有鳥  
江之敗湘東一目寧為赤縣所歸乃大怒殺之

蕭範

武帝從子

蕭範都督雍州刺史撫循將士盡得歡心時論者  
謂範欲為賊又童謠云莫匆匆且寬公誰當作  
天子草覆車邊已然卒無驗

釋寶誌

不知何許人齊宋之交稱顯靈跡被  
髮徒號語默不佞預言未兆言多玄

驗在梁武帝尤深敬  
事天監十三年卒

天監三年六月八日武帝講于重雲殿誌公太師  
忽然起舞歌樂須臾悲泣賦五言詩云樂哉三  
十餘悲哉五十裏但看八十三子地妖災起佞  
臣作欺妄賊臣滅君子君不信吾言龍時侯賊  
起且至馬中間銜悲不見喜梁自天監至于大  
同三十餘年江表無事至太清二年臺城陷帝  
享國四十八年所言五十裏也太清元年八月  
十三侯景自懸瓠來降在丹陽之北子地帝惑

朱异之言納景景作亂始自戊辰之歲至五年  
帝憂崩

天監中誌公為詩云晉年三十八今年八十三四  
中復有四城北火酣酣帝使周捨封紀之及中  
大同元年同泰寺灾帝啟封見捨手迹為之流  
涕帝生于甲辰三十八尅建鄴之年也遇災歲  
實丙寅八十三矣四月十四日火起自浮屠第  
三層三者帝之昆季次也

天監十年四月八日誌公於大會中作詩云。掘尾  
狗子自發狂。當死未死。齧人傷。須臾之間。自滅  
亡。起自汝陰。死三湘。橫尸一旦。無人藏。山家小  
兒。果攘臂。太壺殿前。作虎視。狗子景小字山家  
小兒。猴狀。景遂覆陷都邑。毒害王家。初自懸瓠  
耒。降懸瓠。即管之汝南也。巴陵有地名三湘。景  
奔敗處。其言皆驗。

誌公嘗畫一鹿負鞍走山中。留語曰。兩角女子。綠

衣裳却背大行邀君王一止之月必消亡至唐  
玄宗時安祿山反識者知太師寓言兩角卽鹿  
鹿卽祿女子卽安字太行山名一止之月正月  
也果正月敗亡

釋法雲

法雲師三洲歌云三洲斷江口水從窈窕河傍流  
啼將別共耒長相思又云三洲斷江口水從窈  
窕河傍流歡將樂共耒長相思江左辭人多風



致僧亦如此

法南周捨學通內外兼有口才嘗謂法雲師曰孔子不飲盜泉之水師何以捉鑰石香爐答曰檀越既能戴壽貧道何為執鑰

陶弘景

字通明母郝氏夢兩天人手執香爐至其所已而有娠以宋戊申歲夏至

日生年十歲得葛洪神仙傳晝夜研尋便有養生之志曰仰青天觀白日不覺為遠矣齊永明初止句容勾曲山第八洞天自號華陽隱居人間書札即以隱居代名晚號華陽真逸又曰華陽真人仙書云服方者壽千歲弘景末年一眼有詩而方修木

草遇神仙桓閭謂曰君之陰功極著以所  
修本草用蠶虫水煙葦為藥功雖及人而  
害物命以此一紀後方得解形大同二年  
辛酉氣累日氛氳滿山詔贈太中大夫議  
曰真白  
先生

華陽先生在句曲山築三層樓自處其上弟子居  
其中賓客至其下與物遂絕唯一家僮得至其  
所先生登樓不復下嘗有詩云側聞上士說尺  
木乃騰霄雲駢不展地仙居多麗譙卧待三芝  
秀坐對百神朝銜書必青鳥佳客信龍鑿非止

靈桃實方見大椿凋

真白著太清經一名壽經凡學道術者皆須有好劍

鏡隨身嘗畜二刀一名善勝一名寶勝往往飛去人望之如二條青蛇

隱居先生謂弟子曰予夜夢神光滿室彩雲連霄

有金甲神人謂予明日有異人至汝當掃門待

之。日午桓凱真人果至披髮跣足唱詩曰黃花

生紫雲日月周天輪混混太虛中不與衆生羣

崑崙十二峯上帝朝萬巡一日功行滿升空謁

元君

錢妙真二姊妹依陶隱居誦黃庭經積功修行三十年至梁晉通二年道成入洞唐

天寶七年奉勅建宮名燕洞宮即茅山燕洞也  
至今有紫昌蒲碧桃在焉其姊披白練衣先入  
洞妹後至洞已扃矣宋淳化間夏疾嘉貞與道  
士五人並遊燕洞是夜雷震其洞復開一吏蹙  
入遇道士與林擒一枚食之絕粒田霖題詩云  
燕口龍泓氣象清賦真此處有遺靈仙兒去後  
師猶在女弟來時戶已扃雲片尚如披白練泉  
聲長似誦黃庭碧桃花發當蒲紫番與人問作  
屏畫

華陽胥友人死以詩哭之曰我有數行淚不落十  
餘季今日為君盡併灑秋風前

華陽特愛松風庭院皆植松每聞其響欣然為樂

獨遊泉石望見者以為僊人武帝屢以手教招  
之先生畫兩牛一散放水草間一看金籠頭有  
人執繩以杖驅之帝笑曰此人欲學曳尾之龜  
豈可復致一日以詔問曰山中何所有先生賦  
詩答曰山中何所有巖上多白雲只可自怡悅  
不堪把贈君時國家有大議必先諮之時人謂  
之山中宰相

弘景妙解術數逆知梁祚覆沒題所居壁云夷甫

任敬誕平叔坐談空不信昭陽殿忽作單于宮  
大同末士人競談玄理不習武事侯景作亂果  
居昭陽殿

曹景宗

字子震右衛  
將軍謚壯侯

曹景宗目不知書好以意作字及破魏軍還振旅  
凱入時武帝於華光殿宴飲聯句令沈約賦韻  
以曹堯整不煩倡和曹固請不已許之時韻已  
盡僅餘競病二字景宗便操筆賦曰去時兒女

悲歸來笳鼓競借問行人何如霍去病帝深  
歎賞朝賢驚嗟竟日

何敬容

字國禮廬江人尚齊武帝女拜駙馬都尉入梁累遷尚書令武帝朝嘗有

侍臣袍服卷摺帝怒曰卿衣帶如繩欲何所縛敬容希旨每以膠清刷鬚衣裳不整伏牀熨之暑月皆為之焦

齊朱雀門灾武帝謂羣臣此門制狹我始欲改構  
遂遭天火相顧未答何敬容曰此所謂先天而  
天不違時以為名對

何敬容為尚書令而拙於草隸淺於學術其署名  
敬字則大作苟小為文容字大為父小為口陸  
倕戲之曰公家苟既奇太父亦不小敬容不能  
答

自晉宋來宰相皆文義自逸敬容獨勤庶務然貪  
怯為時所嗤鄙時蕭琛子巡頗有輕薄才因即  
其名作離合詩嘲之曰伎能本無取支葉復單  
貧離个柯條謬承日木石豈知晨離可字个拘



馬誠難盡犬羊非易馴

離句

數嘖既不似學步

孰能真

離文字苟文合成敬

寔由紊朝典是曰蠢彝倫

離

字

俗化於茲鄙人塗自此分

離俗字二谷合成容

江從簡光祿大夫革之子也年十七為採荷誦以刺何敬容其文曰欲持荷作柱荷弱不勝梁欲持荷作鏡荷暗本無光敬容覽之不覺嗟賞愛其巧麗

有客姓吉詣何敬容敬容問卿與吉遠近答曰

如明公之與蕭何

張纘與何敬容意趣不協敬容居權軸賓客輻輳  
有退詣纘者纘輒拒不前曰吾不能對何敬容  
殘客

堯山堂外紀卷十五